

**Tare Book & Special
Collections Library**




HOE'S Copy

701
EV \$175⁰⁰

Digitized by the Internet Archive
in 2009 with funding from
University of Illinois Urbana-Champaign


<http://www.archive.org/details/virtutescardinal00cate>







VIRTUTES
CARDINALES
ETHICO EMBLEMATE
EXPRESSÆ.
AD PRÆNOB. ET GENEROS.
DOMINVM
D. FRANCISCVM
DE KINSCHOT,
EQVITEM
ORDINIS S. IACOBI, ETC.



ANTVERPIÆ, EX OFFICINA PLANTINIANA. M. DC. XLV.



X190
C280

PRÆNOBILI AC GENEROSO

DOMINO

D. FRANCISCO
DE KINSCHOT,

Toparchæ de Kinschot, Ruiere, Iette &
Ganshorn, Catholicæ Maiestati in supre-
mâ Ærarij ac Dominiorum Regiorum per
Belgium Curiâ à Consiliis, &c. recens in-
ter Equites Ordinis Militaris S. I A C O B I
solemniter inaugurate.



O V I honoris auspiciis venio
gratulatum. Nam præter re-
centem illam inter supremos
Ærarij Regij Consiliarios (et
iam *Commis* voce vulgari)
dignitatem, tam nobili glo-
riosaque Cruce, qualis ea est quæ à sancto IA-
COBO nomen habet, dignum Te, Generose
Domine, Catholicæ Maiestas iudicauit; cuius

nomine auctoritateque Excellentissimus Princeps Marchio de Caracena , Comes de Pinto, eidem Maiestati à Cubiculis, sumimus in hisce partibus Ductor Equestrium copiarum, & ipse Eques Ordinis S. I A C O B I , in amplissimo confessu Marchionum, Comitum, Baronum aliorumque Equitum Crucis istius, Te militari illâ dignitate recens inaugurauit. Et iam antè per alios munerum publicorum gradus viam tibi munieras. Parentem filius sequeris passibus non imparibus, indole non degeneri. Ille, vti ob fidem integritatemque iam per annos vigintiquinque supremi Ærarij Regij Thesaurarius fuit, ita ob negotiorum experientiam, rerum cognoscendarum facilitatem, iudicandarum maturitatem, agendarum dexteritatem, ob merita denique non vulgaria ab eadem illâ Maiestate in summum illud *Concilium Status* fuit adlectus. Qui honoris vti in Repub. amplissimus est, ita sanè paucorum est: omnes annulo possent inscribi. Ad Te verò quod attinet; pergis quo cœpisti pede puer atque adolescens, quando in litterarum Palæstrâ quoties ad ulteriorem scholam, toties quasi ex æde Virtutis ad noui Honoris templum

vide-

videbare descendere. Testis oculatus refero;
cùm Bruxellæ, Humaniorum studiorum Lycæo
Præfектus, per sex annos morum tuorum indu-
striæque spectator interfuerim; vnde iam maior
quoque mihi causa atque necessitas hisce tuis
successibus amicè gratulandi. Ceterūm, par de-
inde tua & amplior in Philosophiæ & Iuris vtrius-
que decursu gloria. Noueras siquidem veram
animi nobilitatē, post Virtutum decus, esse
scientiam. Neque studia tantūm tua plena fuere
commendationis, sed & itinera: in quibus tamen
multi, id ætatis præsertim, quantum oculis con-
spiciunt, tantum cæcutiunt animis; & dum pe-
dibus rectā iter intendunt, moribus longè exor-
bitant. Tantum valet in deteriorem partem na-
tionum contagio, atq; in sole scens per absentiam
parentum libertas. Et nullibi tam liquidè ferax
virtutum solum est, cui non suum quoq; vitium
lolum sit. Ita in Italiam profectus es, ita Romæ
versatus, vt nihil inde nisi verè Romanum, id est
cum laude virtuteque coniunctum, reportaris.
Quid dicam, quibus ducibus id omne confe-
ris? imò quibus & modò ad sublimiora con-
scenderis? vectum Te dixero Quadrigâ Virtutum

earum, quarum h̄ic speciem quamdam exhibeo.
Quaternæ sunt, Cardinales sunt: in quibus om-
nis honesti rectique cardo voluitur. Agnoscisne
eas iam pridem Tibi plusquam in imagine notis-
simas? Cùm Gymnasium litterarium (de quo
iam antè) earum tabulis emblematicis, amplis
atque egregiè depictis, & ad specimen doctrinæ
& ad loci splendorem instrui quondam cura-
rem, Tu Humanitatis eo tempore alumnus, ex
illis eam adornandam suscepisti, quæ ita illic
etiamnum perdurat, vt sine nominis tui recor-
datione confaci nequeat, & cuius lineamenta
h̄ic quoque, cùm eam iterū in effigie contue-
bere, facilè animo recurrent. FORTITVDO ea est,
quasi dux quædam, imò medulla ceterarum at-
que firmamentum.. Equitum illa virtus propria
est; vt abs te sic quondam adumbrata, nouo
huic decori velut augurio quodam iam tum
prælusisse dicenda sit. Eam, vti & reliquas, non
satis habui tum videre depictas coloribus, nisi
postea quoque cernerem æri incisas. Quod qui-
dem eo animo effeci vt latius spargerentur, vt
que etiam papyro impressæ perennarent magis,
cùm sua quoque chartis æternitas sit. Redit ita-
que

que ad Te Virtus illa tua; neque sola redit, sed
& reliquias secum deducit, cùm vna omnium
societas sit. Ego verò id insuper effeci ut ne
incomptæ incomitatæque redirent, sed aliquanto
ampliore verborum sententiārumque apparatu
instructæ. Quas ipsas (non tantum earum simu-
lacia) vti perpetuas D. T. Comites voueo ac
Magistras, ita munera amplissimorum euen-
tus auguror longè secundissimos lœtissimosque,
notitiâ vetere, nouo semper affectu

Tuus,

Generosissime Domine,

Jacobus Catherus
Soc. IESV.

Antuerpiæ, Kal. Iunij,

M. DC. XLV.

FOR-

FORMA, COLOR, ORIGO
CRVCIS S. IACOBI
MORALITER EXPOSITA:
AD EQVITEM FRANCISCVM.



Rvx gladio similis, gladij quoq; nomine dicti:

Ille agere ingentes res docet, illa pati.

Propatriaq; Deoq; dare aut haurire cruorem
En Crux sanguineo murice tincta monet.

Nempe agere atque pati IACOBVM fortiter ensis
Impulit: hinc gladio lausq; decusq; Crucis.

Sanguine IACOBI, Maurorum sanguine mucro
Cum rubuit, dispar causa ruboris erat.

Pro Cruce IACOBVS cecidit, caloq; superstes
Pro Cruce barbaricos contudit ense Duces.

Hinc gladiata nouos sibi Crux delegit alumnos,
Regius Heroas dum Cruce signat horios.

Ut tibi defuerit IACOBI nomen, honorem

Quondam & Francisco Crux dedit ipsa sumum.
Ergo Crucem gladiumq; pari moderamine iungo:

FRANCISCVM ast EQVITEM Crux gladiusq;
probant.

QVA-

QVADRIGA VIRTVTVM CARDINALIVM VITÆ HVIVS VIATORIBVS EXHIBITA.



ITA via est: currūne, an equis pedibūsve terenda?
Nec curru hac, nec equis, nec pede trita via est.
Imò & equis pedibusque & curru hac itur: eunti
Nempe animo affectus pro pede duxor erit.
Et Virtus currumque & equos scit flectere. Fallor:
Pro curru vel equis certius ipsa vehet.
Non bigas ego iam trigasque hic ordine ducam:
Tempora dum pretium grandius ista petunt,
Maiorisque iubar pompa strepitumque: quadrigas
Non solus rutilo tramite Phœbus agit:
Terra auratarum quatitur splendore rotarum:
Tot sub quadrijugis terra satiscit equis.
Quò properant? sèpè ad laute dispensia fortis:
Metæ, pauperies ultima sèpè loco est.
Quam Diue efficiunt quatuor præbentque, Quadriga
Vectorem ad summas commoda dicit opes.
Robur huic Dea dat Fortis; Moderata lupatos,
Temonem Prudens dirigit, Æqua rotas.
Hæc tatum per mille vehit discrimina vite,
Altius exili plebe soloque leuat;
Eliamque suum super aurea sidera portat:
Nam rheda est, nullos qua Phaëthonas habet.

2
PRVDENTIÆ ICONISMVS.

HEVS, IVVENIS, QVO PROPERAS?
SERPENTEM METVIS
QVEM DIVA COMPLECTITVR?
NON IS EST QVI TE MORDEAT,
SED QVI VERAM DOCEAT
P R V D E N T I A M;
QVAM SERPENTIS
QVOQVE SYMBOLO
IPSA OLIM EXPRESSIT
VERBI INCREATI, INCARNATI
S A P I E N T I A.

SED ET SPECVLVM ASPICE,
NON QVO CINCINNOS ORDINES,
AVT FACIE TENVS TIBI BLANDIARE;
SED QVQ TEIPSVM
PERVIDEAS PENITIVS,
ET



PRUDENTIÆ SAC.

QVID VITES CVPIASVE, DICETILLA
QVÆ RECTÆ RATIONIS EX AMVSSI,
AD FINEM MEDIIS PROBIS HONESTVM,
TENDENDV DOCET. HÆC SAPIT MAGISTRA

1. КОМПАНИИ ПОДДЕРЖАЛИ
2. ВСЕХ СОСЕЙ И ВСЕХ БУДУЩИХ
3. ПРИЧЕМ КОМПАНИИ ПОДДЕРЖАЛИ
4. ВСЕХ СОСЕЙ И ВСЕХ БУДУЩИХ

ET ANIMI SENSA ATQVE CONSILIA
 CLARIUS PERSPICIAS,
 PERFICIAS SECVRIVS.

ABI MODO QVO LVBET.

AD METAM TENDIS,
 QVAM PROCVL DEMONSTRAS:
 SAPIS, SI QVIDQVID AGAS
 FINEM RESPICIAS;
 MEDIA DISPICIAS, QVIBVS PERVENIAS.

SEQVERE RATIONEM,
 NON IMPETVM;
 ILLA RECTE:
 SEQVERE CONSILIVM,
 NON LIBIDINEM;
 ILLO MATVRE OPERABERE.

ITA, LICET SIS IN VERE ANNORVM,
 REPERIES TE IN AVTVMNO VIRTVTVM:

QVIA SIC, VEL IVVENIS
 ABSQVE SENIO, SENEX ERIS.

SISTE HIC VEL IN LIMINE LECTOR:
PAVCIS TE VOLO.



RUDENTIÆ Iconismum paucis dedi; hoc est, iconem eius non effigie tantum, sed & oratione expressam. Exinde, paulo ampliorem eius descriptionem non verbis meis neg, etiam Sacrarum Litterarum Patrumq; testimonis, sed ex ipsâ Gentilitate depromptis adiiciam; quo constet scilicet, quantum virtutes illa (idem enim agam in ceteris) cum ipsâ naturâ sint coniunctæ, hominiq; propria Ratione utenti. Et quidem cum hic non agam Magistrum aut Doctorem, sed paucularum imaginum interpretem, non est mihi animus plurium Auctorum tabulas proferre, cum pro breuitate mihi propositâ, omnium instar mihi futurus sit M. T. Cicero; qui omnia hominis officia virtutum harum honestate definiuit. Igitur ea ex tribus Officiorum libris selegi, & catenâ verborum illius sententiarumq; serie (etsi non ubiq; librorum illius a locorum ordine) contexui que hac facere videbantur. Elegantiüs rem exprimere non potui, quam ipsis verbis Oratorum maximi; aptius non potui, quam sententiis eiusdem Philosophorum non infimi: cum Orator sese etiam Philosophum cum hic tum alibi non profiteatur tantum, sed ostendat.

DE VIRTVTIBVS CARDINALIBVS
VNIVERSIM.

Ex Ciceronis libro i. de Officiis.



M N E quod honestum est id quatuor partium oritur ex aliquâ: aut enim in Perscientiâ veri solertiâque versatur; aut in hominum Societate tuendâ, tribuendoque suum cuique & rerum contractarum fide; aut in animi excelsi atque inuicti Ma-

Pruden-
tia.

Iustitia.

Magnitudine ac robore ; aut in omnium quæ sunt quæque ^{Fortitudo.}
dicuntur ordine & modo , in quo est Modestia & Tempe- ^{Tempe-}
rantia. Quæ quatuor quamquam inter se colligata atque ^{tantia.}
implicita sunt ; tamen ex singulis certa Officiorum genera
nascuntur.

P R V D E N T I A

Descripta ex libris Officiorum Ciceronis.



x quatuor locis, in quos honesti naturam vim-
quæ diuisimus, prius ille qui in veri cognitio-
ne consistit, maximè naturam contingit huma-
nam. [Lib. i.] Nam inter hominem & bellum
hoc maximè interest, quod hæc tantum, quan-
tum sensu mouetur, ad id solum quod adest quodque præ-
sens est se accommodat , paululum admodum sentiens
præteritum aut futurum : homo autem , quoniam rationis
est particeps, consequentia cernit, principia & causas rerum
videt, earumq; progressus & quasi antecessiones non igno-
rat, rebusque præsentibus adiungit atque annexit futuras:
facile totius vitæ cursum videt, ad eamque degendam præ-
parat res necessarias. [Lib. i.] Vnde in primis hominis est
propria veri inquisitio atque inuestigatio. Quòd enim ve-
rum simplex sincerumque est, id est naturæ hominis aptissimum.
[Lib. i.] Et quidem princeps omnium virtutum
est illa Sapientia quam Σοφία Græci vocant. Prudentiam
enim, quam Φερνω dicunt, aliam quamdam intelligimus,
quæ est rerum experendarum fugiendarumque scientia: illa
autem sapientia, quam principem dixi, rerum est diuinarum

atque humanarum scientia. [Lib. i.] Quamquam illi ipsi doctrinæ studiis & sapientiæ dediti , ad hominum utilitatem suam sapientiam , prudentiam intelligentiamque potissimum conferunt. [Lib. i.] Nam veri inuestigandi studio à rebus agendis abduci, contra officium est: virtutis enim laus omnis in actione consistit. Itaque omnis cogitatio motusque animi aut in consiliis capiendis de rebus honestis & pertinentibus ad benè beatęque viuendum aut in studiis scientiæ cognitionisq; versatur. [Lib. i.] Cognitionem prudentiamque sequetur considerata actio : ita sit, vt consideratè agere, pluris sit quām cogitare prudenter. [Lib. i.] Ad rem gerendam autem qui accedit, caueat ne id modo consideret, quām illa res honesta sit , sed vt etiam habeat efficiendi facultatem . In quo ipso considerandum est , ne aut temerè desperet propter ignauiam , aut nimis confidat propter cupiditatem. In omnibus autem negotiis priusquam aggrediare , adhibenda est præparatio diligens . [Lib. i.] Ratione vti atq; oratione prudenter, & agere quod agas consideratè , omniq; in re quid sit veri videre & tueri decet ; contraq; falli, labi, errare , decipi, tam dedecet quām delirare, & mente captum esse.. Omnis autem actio vacare debet temeritate & negligentiâ; nec verò agere quidquam, cuius non possit causam probabilem reddere. [Lib. i.] In primis autem constituendum est, quos nos & quales esse velimus , & in quo genere vitæ : quæ deliberatio est omnium difficillima. [Lib. i.] Est igitur adolescentis, maiores natu vereri, ex hisque eligere optimos & probatissimos , quorum consilio atque auctoritate nitatur . Ineuntis enim ætatis inscitia senum constituenda & regenda prudentiâ est. Senibus autem labores corporis sunt minuendi; exercitationes

tationes animi etiam augendæ videntur. Danda verò opera,
vt amicos & iuuentutem, & maximè Remp. consilio &
prudentiâ quām plurimūm adiuuent. Nihil est autem quod
tam deceat, quām in omni re gerendâ consilioque capien-
do seruare constantiam. [Lib.1.]

A Stutiæ tollendæ sunt, eaque malitia, quæ vult qui-
dem videri se esse Prudentiam, sed abest ab ea distat-
que plurimūm. Prudentia est enim locata in delectu bo-
norum & malorum: malitia, si omnia quæ turpia sunt
mala sunt, mala bonis anteponit. [Lib.3.] Quod qui parum
prospiciunt, hi sæpè versutos homines & callidos admiri-
rantes, eorum malitiam sapientiam iudicant: quorum er-
ror cripiendus est, omnisque opinio ad eam speciem tradu-
cenda, vt honestis consiliis iustisque factis, non fraude &
malitiâ se intelligent: quæ velint consequi posse. [Lib.2.]
Qui omnia metiuntur emolumentis & commodis, neque
ea velint præponderari honestate, hi solent in deliberan-
do honestum cum eo quod vtile putant comparare: viri
boni non solent. [Lib.3.] Cùm igitur aliqua species vtili-
tatis obiecta est, nos commoueri necesse est; sed si, cùm
animum attenderis, turpitudinem videoas adiunctam ei rei
quæ speciem vtilitatis attulerit, tunc vtilitas non requirenda
est; sed intelligendum, vbi turpitudo sit, ibi vtilitatem esse
non posse. [Lib.3.] In quo verbo lapsa consuetudo deflexit
de via, sensimque eò deducta est, vt ab honesto vtile fecer-
neret, & constitueret honestum aliquod quod vtile non
esset; quā nulla pernicies maior hominum vitæ potuit af-
ferri. [Lib.2.] Aliud vtile interdum, aliud honestum videri
solet falso: nam eadem vtilitatis quæ honestatis est regula.
Qui

Qui hoc non præuiderit, ab hoc nulla fraus aberit, nullum facinus. Peruerunt autem homines ea quæ sunt fundamenta naturæ, cùm vtilitatem ab honestate seiungunt. Est enim nihil vtile quod idem non honestum; nec quia vtile honestum est, sed quia honestum, vtile. [Lib. 3.] Maneat ergo, quod turpe sit, id numquam esse vtile; ne tum quidem, cùm quod vtile putas, adipiscare. Hoc enim ipsum, vtile putare, quod turpe sit, calamitosum est. [Lib. 3.]

Avrem hic mihi vellicat Cicero, admonetq; disputatione hac suâ ultimâ de vtilitate fucatâ, quæ cum honestate coniuncta non sit, de calliditate aliisq;, quæ speciem quamdam Prudentiæ præ se ferant, absint tamen ab eâ quam longissimè; admonet, inquam, ut post veræ Prudentiæ delineationem, falsæ Prudentiæ (si falsa umquam dici potest, quæ Prudentia est, quæ Virtus est) ideam quamdam exhibeam. Paucis itaque & Prudentiæ & ceterarum exinde Virtutum quosdam quasi abortus adiiciam. Sed date veniam verbo. Non abortiunt verae virtutes, viuarum actionum integræ matres atque fœundæ; & si simulacra quadam virtutum ac monstra sunt, fetus illi virtutum non sunt. Laruas itaque virtutum nuncupabo, ut ex falsis vera, ex fictis sincera, ex umbris virtutum virtutes ipsæ clariores apparent. Ceterum quia fictæ ac male, epigrammate sunt perstringendæ.



LARVA PRUDENTIAE; PSEUDO POLITICO.



Ciues, ciues, quærenda pecunia primùm est:
Virtus post nummos : sic sape quisquis amas
Et proprium decus, & natorum, atque aurea vita
Tempora. Sic foras sic Ianus uterque docent.

Horat.
Epist. I.

Dissimula tamen, atque nihil nisi publica clama
Commoda priuatis anteferenda bonis.

Horat. ib.

Verba fidem resonent, nil non violabile celent
Pectora, promissis nec moueare datis.

Aura atque Ara pari vertantur flamine: nam quo
Sorsque statusque iubent, flectere vela decet.

Sinceræ mentis sic fucus adulterat aurum,
Sic præuent veris falsa profana Sacris.

Doctior at Sapiens: Hæc est prudentia carnis:
Cum nulla est animi aut ultima cura tui.

Ad Rom.
cap. 8.

Cum potius probitate lucrum est, falsum utile honestos
Qualescumque, bona cum reputantur opes.

Corporis hoc totum est, animo nil denique restat.

At pretium pars hæc corpore maius habet.
Scilicet hæc vita est, sine vita animoque sagaci

Ouid. l. 1.
de Re-
med.

Prospicere hoc vita est calliditate suæ?

Credite iurato: Carnis prudentia mox est.

Ad Rom.
cap. 8.

Quis valeat vitam morte souere suam?

10
IVSTITIÆ ICONISMVS.

CREDIS IVSTITIAM VIDERE
QVI MVNERA OBTRVDIS?
AVDIRE, QVI MINAS INGERIS?

CÆCA ET SVRDA EST
VERA IVSTITIA;

AT NON EA CÆCITATE

QVAM OBIECTVM
OCVLIS AVRVM;

NON EA SVRDITATE
QVAM LAVTA PROMISSA
EFFICERE SOLENT.

NIMIVM VIDET,
SI AVRVM VIDET:

NIMIVM AVDIT,
SI BLANDITIAS PERCIPIT.

ET VIDET Tamen, ET CÆCA EST;
ET AVDIT Tamen, ET SVRDA EST.

V I D E T

VT INVESTIGET CRIMINA

QVÆ PLECTAT;



IVSTITIÆ SAC.

SI NEC TONANTI, NYMPHA, POTENTIÆ,
NEC BLANDIENTI CESSERIS, ET MINIS
INVICTA, ET INCORRUPTA DONIS;
VIRGO EQVIDEM POTERIS VOCARI.

1950-1951
1951-1952
1952-1953
1953-1954

VT EXPLORET MERITA
QVÆ PRÆMIO AFFICIAT:
CÆCA TAMEN EST,
NE IN HIS PERSONAM RESPICIAT.

A V D I T
ACCVSATOREM ET REVM;

NON A V D I T
ADVLATOREM ET MINACEM,

QVO MINVS LIBERE
VNICVIQ. IVS SVVM TRIBVAT.
TANTA IPSI A GLADIO FIDVCIA
ET ÆQVITAS A BILANCE:

NEC A SPE ILLECEBRA;
NEC A METV TREPIDATIO.
INTER VTRVMQVE SEDET

INCONCVSSA;

SICVT INTER SIDERA,
SIC ET IN TERRIS

V I R G O,
QVAMDIV SIC INCORRVPTA.

I V S T I T I A

Descripta ex libris Officiorum Ciceronis.



VSTITIA, in quâ virtutis splendor estimaximus, ex quâ boni viri nominamur [Lib. 1.] virtus est omnium Domina & Regina Virtutum. [Lib. 3.] Nihil enim honestum esse potest quod Iustitiâ vacet ; & nullum est tempus quod Iustitiâ vacare debeat. [Lib. 1.] Hæc in hominum societate tuenda tribuendoque suum cuique & rerum contractarum fide versatur. Fundamentum enim Iustitiae est fides, id est dictorum conuentorumque constantia & veritas: ex quo quamquam hoc videbitur fortasse cuiquam durius , tamen audeamus imitari Stoicos, qui studiosè exquirunt unde verba sint ducta, credamusque quia *fiat* quod dictum est, appellandam *fidem*. [Lib. 1.] Quamquam autem omissis Virtus nos ad se allicit, facitque ut eos diligamus in quibus ipsa inesse videatur, tamen Iustitia & Liberalitas id maximè efficit. [Lib. 1.] Fundamentum enim perpetuæ commendationis & famæ est Iustitia, sine quâ nihil potest esse laudabile. [Lib. 2.] Ea enim, ex quâ viri boni appellantur, mirifica quædam res multitudini videtur: nec iniuriâ: neino enim iustus esse potest qui mortem , qui dolorem, qui exilium, qui egestatem timeret, aut qui ea quæ his sunt contraria æquitati anteponit; maximeque admirantur eum qui pecuniâ non mouetur, quod in quo viro perspectum sit, hunc dignum spectatu arbitrantur. Itaque illa quæ proposita sunt ad gloriam, omnia Iustitia conficit , & benevolentiam, quod prodesse vult pluriinis, & ob eamdem causam fidem & admirationem, quod

quod eas res spernit & negligit ad quas plerique inflammati audiitate rapiuntur. [Lib. 2.] Hinc nullâ re conciliare facilius benevolentiam multitudinis possunt ij qui Reipub. præsunt, quam abstinentiâ & continentiâ. [Lib. 2.] Est igitur proprium munus Magistratus, intelligere se gerere personam Ciuitatis, debereque eius dignitatem & decus sustinere, seruare leges, iura describere, ea fidei suæ commissa meminisse. [Lib. 1.] Ita probanda est mansuetudo atque clementia, ut adhibetur Reip. causâ seueritas, sine quâ administrari ciuitas non potest. Omnis autem & animaduersio & castigatio contumeliâ vacare debet, neque ad eius qui punit aliquem aut verbis castigat, sed ad Reip. utilitatem referri. Prohibenda autem maximè est ira in puniendo: numquam enim iratus qui accedit ad pœnam mediocritatem illam tenebit, quæ est inter nimium & parum. Optandum itaque ut ij qui præsunt Reip. legum similes sint, quæ ad puniendum non iracundiâ sed æquitate ducuntur. [Lib. 1.] His etiam qui vendunt, emunt, conducunt, locant, contrahendisque negotiis implicantur, Iustitia ad rem gerendam necessaria est: cuius tanta vis est, ut ne illi quidem qui maleficio & scelere pascuntur possint sine ullâ particulâ Iustitiæ viuere; nam qui eorum cuipiam, qui vna latrocinantur, surratur aliquid aut clam eripit, is sibi ne in latrocino quidem relinquit locum. [Lib. 2.]

INJUSTITIÆ duo genera sunt; unum eorum qui inferunt, alterum eorum qui ab iis quibus infertur, si possunt, non propulsant iniuriam. Maximam autem partem ad iniuriam faciendam aggrediuntur nonnulli, ut adipiscantur ea quæ concupierunt: in quo vitio latissimè patet avaritia. [Lib. 1.]

Delectant magnifici apparatus vitæque cultus cum elegantiâ & copiâ, quibus rebus effectum est ut infinita pecuniæ cupiditas esset. Maximè autem adducuntur plerique ut eos Iustitiæ capiat obliuio, cùm in imperiorum, honorum, gloriæ cupiditatem inciderint. [Lib. i.] Difficile autem est, cùm præstare omnibus concupieris, seruare æquitatem, quæ est Iustitiæ maximè propria. Ex quo fit ut neque disceptatione vinci se, nec vlo publico ac legitimo iure patientur; existuntque in Remp. plerumque largitores & factiosi, vt opes quam maximas consequantur, & sint vi potius superiores quam Iustitiâ pares. [Lib. i.] Cùm autem duobus modis, id est, aut vi aut fraude fiat iniuria; fraus quasi vulpeculæ vis leonis videtur: vtrumque ab homine alienissimum, sed fraus odio digna maiore. Totius autem iniustitiæ nulla capitalior est quam eorum, qui tum cùm maximè fallunt, id tamen agunt, ut viri boni esse videantur: [Lib. i.]

Meminerimus autem etiam aduersus infimos Iustitiam esse seruandam: est autem infima conditio & fortuna seruorum. [Lib. i.] Cauendum est etiam ne maior pœna quam culpa sit, & ne iisdem de causis alij plectantur, alij ne appellentur quidem.



LARVA IVSTITIÆ,
MINORVM PVNITIO,
MAIORVM IMPVNITAS.



A T veniam coruis, vexat censura columbas,
Territa si ditum sorte statera labat.

Iuuен.
Sat. 2.

Perrumpunt bruchiique ♂ vespæ retia, arachne
Quæ de visceribus neuerat ipsa suis.

Heu ! tenues muscæ laqueis fatalibus harent,

Si dispar legum est Iustitiæque tenor:

Si taceant ad magnorum subsellia noxas;

Si peccante inflat paupere præco tubam,

Discite iustitiam moniti ; pars quantula veræ

Aeneid. 6.

Iustitiæ hæc dici (vel magis umbra) queat ?

Perf.

Si cupias iustuum geminâ suspendere lance,

Sat. 4.

Æquali cunctos pondere libra probet:

Sin contrà ; sedet hac Dominus, cui multa supellex,

Multaque, præter opes, gratia, multus honos.

Lancem tot grauium rerum momenta, virumque

Demittent, terræ restituentque suæ.

Parte aliâ famulus cui nec fauor aulicus, aut res

Aurea, de furca pensile fiet onus.

Pauperem opum dum nulla iuuant heu ! pondera rerum,

Sic leuitas vacue lancis ad astra vehet.

FOR-

FORTITUDINIS ICONISMVS.

QVISQVIS EFFIGIEM SPECTAS
 FORTITUDINIS,
 VIM EIUS PERCYPE ET IMITARE:
 ARMATA EST
 NON MAGIS FERRO
 QVAM GENIO SVO:
 ROBUSTA

NON TAM CORPORE QVAM ANIMO:
 ISTVD ENIM GLADIATORVM EST,
 HOC HEROVM.

MANV ALTERA SCEPTRVM GERIT,
 ET IN SCEPTRO MANVM:

QVOD NON TANTVM AGENTIS EST,
 ET PRÆCLARA INCHOANTIS,
 SED AD EXITVM PERVRGENTIS.

ALTERA MANV COMPLEXA CRVCEM,
 NON MINVS IN PATIENDO
 QVAM AGENDO INDOLEM PROBAT.

IN ARDVO POSITA,
 EXCELSOS ANIMOS,

MAR-




AGERE.

PATI.

FORTITUDINI SAC.

QVID SCÆVAS, DECIOSQUE, REGVLOSQUE
ROMANOS ANIMOS, CANIT VETVSTAS?
VEROS CHRISTIADVM STVPE TRIVMPHOS:
SIC AGIT PATITVRQVE FORTITVDO.



MARMORI INNIXA, CONSTANTES
IN PERAGENDO DEPOSCE.

HABES HINC IN IMAGINE ET ILLINC
QVOS SEQVARE.

FORTEM TE DIXERO
SI ILLVM FVERIS AEMVLATVS
ET ISTVM.

AGIT ILLE GENEROSE
ET DRACONEM CONFICIT.
PATITVR ISTE SAGITTAS
ET RIDE T.

TV QVOT VITIA TOT DRACONES
PER SEQVERE,

VIRTUTEM PROSEQVERE.

TV PRO SAGITTIS ETIAM INVRIAS;
QVIN ET ADVERSA OMNIA
INTREPIDVS EXCIPE.

SIC AGERE ET PATI FORTIA
PLVSQVAM ROMANVM EST,
QVIA CHRISTIANVM EST.

C FOR-

FORTITVDO

Descripta ex libr̄is Officiorum Ciceronis.



ORTITVDO in animi excelsi atque inuicti magnitudine ac robore versatur. [Lib. i.] Vera autem & sapiens animi magnitudo, honestum illud, quod maximè naturam sequitur, in factis positum non in gloriâ iudicat, principemq; se esse inauult quam videri. Etenim qui ex errore imperitæ multitudinis pendet, hic in magnis viris non est habendus. [Lib. i.] Interim intelligendum est, cum proposita sint genera quatuor, è quibus honestas officiumque manaret, splendidissimum videri, quod animo magno elatoque, humanasque res despiciēte, factum sit. Et in laudibus, quæ magno animo fortiter excellenterque facta sunt, nescio quomodo pleniore ore laudamus. [Lib. i.] Iam, illud honestum, quod ex animo excelsō magnificoque quærimus, animi efficitur, non corporis viribus. Exercendum tamen corpus & ita afficiendum est, ut obediē consilio rationique possit in exequendis negotiis & in labore tolerando. [Lib. i.] Omnino fortis animus & magnus diabibus rebus maximè cernitur; quarum yna in rerum externarum despiciētiā ponitur: cum persuasum sit, nihil hominem nisi quod honestum decorumque sit, aut admirari aut optare, aut expetere oportere, nullique neque homini neque perturbationi animi nec fortunæ succumbere. Altera res est, ut cum ita sis animo affectus, ut supra dixi, res geras magnas illas quidem & maximè utiles, sed vehementer arduas plenasq; laborum & periculorum cum vitæ

vitæ tum multarum aliarum rerum quæ ad vitam pertinent.
 Härum rerum duarum splendor omnis & amplitudo est,
 addo etiam vtilitatem, in posteriore: causa autem & ratio
 efficiens magnos viros est in priore. In eo enim est illud,
 quod excellentes animos & humana contemnentes facit. Id
 autem ipsum cernitur in duobus: si & solum id quod ho-
 nestum sit bonum iudices; & ab omni animi perturbatio-
 ne liber sis. Nam & ea quæ eximia plerisque & præclara vi-
 dentur parua ducere, eaque ratione stabili firmâq; contem-
 nere, fortis animi magniç; ducendum sit. Et ea quæ viden-
 tur acerba, quæ multa & varia in hominum vitâ fortunâq;
 versantur, ita ferre ut nihil à statu naturæ discedas, nihil à
 dignitate sapientis, hoc robusti animi est, magnaçque Con-
 stantiæ. Non est autem consentaneum, qui metu non fran-
 gatur, eum frangi cupiditate; nec qui inquietum se à labore
 præstiterit, vinci à voluptate. Quamobrem & hæc vitanda
 sunt, & pecuniæ fugienda cupiditas. Nihil enim est tam an-
 gusti animi tamque parui quam amare diuitias. Nihil ho-
 nestius magnificentiusque quam pecuniam contemnere, si
 non habeas; si habeas, ad beneficentiam liberalitatemque
 conferre. Cauenda est etiam gloriæ cupiditas; eripit enim li-
 bertatem, pro quam magnanimitis viris omnis debet esse con-
 tentio. Nec verò imperia expetenda, ac potius aut non ac-
 cipienda interdum, aut deponenda nonnumquam. Vacan-
 dum autem est omni animi perturbatione, tum cupiditate
 & metu, tum etiam ægritudine & voluptate animi & ira-
 cundiâ, vt tranquillitas adsit & securitas quæ afferat tum
 constantiam, tum etiam dignitatem. [Lib.1.] Sunt verò qui
 in rebus contrariis parum sibi constent, voluptatemq; seue-
 rissime contemnunt, in dolore sint moliores; gloriam neg-
 ligant,

ligant, frangantur infamia: atque ea quidem non satis constanter. [Lib. i.] Fortis vero & constantis est non perturbari in rebus asperis, nec tumultuantem de gradu defici, ut dicitur; sed praesentis animi vti consilio, nec a ratione discedere. Quamquam hoc animi, illud etiam ingenij magni est, praecipere cogitatione futura, & aliquanto ante constitueret quid accidere possit in utramque partem, & quid agendum sit cum quid euenerit; nec committere aliquid, ut aliquando dicendum sit, *Non putaram*. Haec sunt opera magni animi & excelsi, & Prudentiam consilioque fidentis. [Lib. i.] In rebus autem prosperis, & ad voluntatem nostram fluentibus, superbiam magnoperè, fastidium arrogantiamque fugiamus. Nam ut aduersas res sic secundas immoderatè ferre, levitatis est: præclaraque est æquabilitas, in omni vita & idem semper vultus eademque frons. [Lib. i.] Denique multò magis est secundum naturam celsitas animi & magnitudo, itemque comitas, Iustitia, liberalitas, quam voluptas, quam vita, quam diuitiae; quæ quidem contemnere & pro nihilo ducere, comparantem cum utilitate communi magni animi & excelsi est. [Lib. 3.] Porro omnium omnino charitates patria una complexa est, pro qua quis bonus dubitet mortem oppetere, si ei est profuturus. [Lib. i.]

EA animi elatio quæ cernitur in periculis, in laboribus, si Iustitiæ vacet, pugnatque non pro salute communi, sed pro suis commodis; in virtute est. Non modò enim id Virtutis non est, sed potius immanitatis, omnem humanitatem repellentis. Itaq; probè definitur a Stoicis Fortitudo, cum eam Virtutem esse dicunt pugnantem pro Æquitate. Quocircà nemo qui Fortitudinis gloria in consecutus est, infidiis

insidiis & malitiâ laudem est adeptus. [Lib.1.] Et quidem animus paratus ad periculum si suâ cupiditate, non vtilitate communi impellitur, audaciæ potius nomen habeat quàm Fortitudinis.

LARVA FORTITUDINIS DVELLVM.



ORTIOR est qui se quàm qui fortissima vincit Varij.
Mœnia. Quale etenim mœnia robur habent?
Mortua res terra & lignum est, res mortua saxum;
Hanc fossor, faber hoc, hoc lapicida dominant.

Vince animos iramque tuam qui cetera vincis:
Illa viri titulum gloria Fortis habet.

Scilicet est verbo qui pungitur: ignis & ensis
Vindictæ in rabiem corque manumque trahunt.
Exclamat, sociumque rapit per fata secundum;
Et gratis vitam commodat iste suam.

Alter & ad dictam cum compare tendit arenam:
Hic genium furiæ Mars stupet ipse nouæ.

Unius è multis minimum stat sanguine palmas;
Sæpè etiam numero procubuere pari.

Scilicet hos Fortes qui dixerit, unicum honoris
Fortius is punctum, quo cecidere, facit.

Sed neque virtutis titulum tam futile punctum;
Nec tantum insani promeruere decus.

Heroës se digna ineunt certamina. Puncto
Arctari Virtus tam generosa nequit.

Ouidius
Epist.
Bris.

TEMPERANTIÆ ICONISMVS.

CERNIS HVNC GENIVM
 QVISQVIS TABELLAM HANC CERNIS?
 MODERATE VINVM DVM INFVNDIT
 ATQVE ETIAM AQVAM AFFVNDIT,
 IPSAM EXHIBET

TEMPERANTIA M.

NEQVE TAMEN CIBI SOLIVS
 AVT POTIONIS MEDIOCRITE
 DIVAM HANC CIRCVMSCRIPSERIS.
 TOT SVBDITORVM MODERATRIX EST

QVOT MOTVVM,
 QVOT APPETITIONVM
 ANIMVS PARENTS EST.

ASPICIS ILLAM IN QVADRIGA
 TRIVMPHANTE M:
 ASPICIS HOS PVSIONES IN BELLVIS
 VELVT EQVIS SINGVLARIBVS
 DOMINÆ LATVS STIPANTES?

ET



TEMPERANTIA SAC.

VT VENVS, ET VENERIS NATVS, BACCHVSQ. CERESQ.
VT RABIDÆ SVBEVNT STRICTA CAPISTRA FERÆ.
TEMPERAT HÆC CUPIDOS MOTVS, ET TVRBIDA FRENAT
PECTORA. FLEXANIMAM DIXERIS. IMO DEAM.

1. *Amphibolite*
2. *Metavolcanic*
3. *Metavolcanic*
4. *Metavolcanic*

ET HÆC SVAVITER.
 ET ILLI IVCVNDE FERVNTVR.
 IVNXIT ILLA CVRRVI SVO
 A QVIBVS TVRBÆ OMNES
 OMNISQVE REBELLIO:
 NEQVE TAMEN INDOMITE RAPITVR,
 SED VEHITVR PLACIDE,
 QVIA TAM VALIDVM
 IN FRÆNO FERVLAQVE
 IMPERIVM, ET AB IMPERIO
 TAM QVIETA SECVRITAS EST.
 SED CAVE SINAS INVALESCERE
 QVOD STATIM PRIMO IN IMPETV
 FRACTVM OPORTVIT.
 FERAS ETIAM GRANDES
 ET VALIDAS
 VEL PVERI REXERINT,
 SI PARVAS PRIVS AC TENERAS
 MAGISTRA MANVS
 PARERE DOCVERIT.

TEM.

TEMPERANTIA

Descripta ex libris Officiorum Ciceronis.



EQUITVR ut de illâ reliquâ parte honestatis dicendum sit, in quâ verecundia & quidem quasi ornatus vitæ, Temperantia & modestia omnisque sedatio perturbationum animi & rerum *modus* cernitur. [Lib. i.] Ordo enim & constantia & moderatio & ea quæ sunt his similia versantur in eo genere ad quod adhibenda est quædam actio, non solùm mentis agitatio. His enim rebus quæ tractantur in vitâ modum quemdam adhibentes & ordinem, honestatem & decus conservabimus. [Lib. i.] Nec verò illa parua vis naturæ est rationisque, quod vnum hoc animal (*homo*) sentit quid sit ordo, quid deceat, in factis dictisque qui sit *modus*. Itaque eorum ipsorum quæ aspectu sentiuntur, nullum aliud animal pulchritudinem, venustatem, conuenientiam partium sentit. Quam similitudinem natura ratioque ab oculis ad animum transferens, multò etiam magis pulchritudinem, constantiam, ordinem in consiliis factisque conseruandum putat, cauetque ne quid indecorè effeminatè faciat: tum in omnibus & opinionibus & factis ne quid libidinosè aut faciat aut cogitet. [Lib. i.] Curandum enim est ut cogitatione ad res quam optimas utamur, appetitum rationi obedientem præbeamus. [Lib. i.] Nam voluptates blandissimæ dominæ sœpè maiores partes animi à virtute detorquent. [Lib. 2.] Est verò Temperantia libidinum inimica; libidines

nies autem *consectatrices voluptatis.* [Lib. 3.] Nobis autem cùm à naturâ constantiæ, moderationis, temperantiæ, verecundiæ partes datæ sint, cumque eadem natura doceat, quemadmodum nos aduersus homines geramus; efficitur ut & illud quod ad omnem honestatem pertinet decorum, quam latè fusum sit appareat, & hoc quod spectatur in unoquoque genere virtutis. [Lib. 1.] Est igitur duplex vis animorum atque naturæ. Una pars in appetitu posita est, quæ est ὅρμη Græcè, quæ hominem huc & illuc rapit; altera in ratione, quæ docet & explanat quid faciendum fugiendumq; sit. Efficiendum autem est ut appetitus rationi obedient, eamque neque præcurrant, aut propter pigritiam & ignauiam deserant; sintque tranquilli atque omni perturbatione animi careant, ex quo elucebit omnis constantia omnisque moderatio. Nam qui appetitus longius euagantur, & tamquam exultantes siue cupiendo siue fugiendo non satis ratione retinentur, hi sine dubio finem & modum transeunt. Relinquunt enim & abiiciunt obedientiam, nec rationi parent, cui sint subiecti lege naturæ: à quibus non modò aniimi perturbantur, sed etiam corpora. [Lib. 1.] Si quis est paulò erectior, quamvis voluptate capiatur, occultat & dissimulat appetitum voluptatis propter verecundiam: ex quo intelligitur, corporis voluptatem non satis esse dignam hominis præstantiâ, eamque contemni ac reiici oportere. [Lib. 1.] Itaque vietus cultusque corporis ad valetudinem referantur & ad vires, non ad voluptatem. Atque etiam si considerare volumus quæ sit in naturâ excellentia & dignitas, intelligemus quam sit turpe diffluere luxuriâ, & delicate ac molliter viuere; quamque honestum, parcè, continenter, seuerè sobrieque. [Lib. 1.] Maximè au-

tem prima ætas à libidinibus arcenda est, exercendaque in labore patientiâque & animi & corporis, vt eorum & in bellicis & in ciuilibus officiis vigeat industria. [Lib. 1.] Luxuria verò cùm omni ætati turpis, tum senectuti fœdissima est. Sin autem & libidinum intemperantia accesserit, duplex malum est, quod & ipsa senectus concipit dedecus, & facit adolescentium impudentiorem intemperantiam. [Lib. 1.]

Nullum vitium tetrius est quàm auaritia. [Lib. 2.] Res autem familiaris quæri debet iis rebus à quibus abest turpitudo, conseruari autem diligentia & parsimonia, iisdemque etiam rebus augeri. [Lib. 2.]



LARVA TEMPERANTIAE, AVARITIA

TEMPERANTIAE SIMVLATRIX.



Ec dubiè tamquam frugi laudatur auarus;

Iuuenal.
Sat. 14.

Tamquā parcus homo, qui male diues homo est.

Ibidem.

Fallit enim vitium specie virtutis & vimbrâ:

Virtuti asperitas nam vitioque sua est.

Sed ne fide oculis : animo censore profundum

Discute : quamquam oculis hæc quoque larua patet.

Euclio, defossis cui res suspirat in ollis,

Cuius opes centum strangulat arca seris,

Centone en miseros obolari inuoluitur artus:

Si tamen hoc etiam sat caro tecta modo est.

Hæccine laudatae est moderata modestia vita?

Sordibus at cultus proditur iste suis.

Mucida quæ rodit bis cocti tempore panis

Anne aliquid veræ frustula frugis habent?

Hoc virtutis opus, iusta ratione modoque

Vti, ac possessis abstinuisse bonis.

Cur sibi nil aliisque minus concedit auarus?

Pauper auarus homo est, non habet hoc quod habet.

APPENDICULA.

CVm virtus media sit inter extrema vitia , vi-
sum fuit non auaritiam tantum adiungere Tem-
perantia, sed & prodigalitatem subiungere. Igitur post
auaritiam ecce tibi nomen MODI, Temperantia pro-
prium, ad prodigalitatem, luxum, intemperantiam mo-
réisque temporis huius cum ludibrio deflexum usurpa-
tumque.

Horat.
lib. 1.
Sat. 1.




s t modus in rebus, sunt certi denique fines,
Quos vltra ratio tendere honesta vetat.
Est modus in rebus, vitæ mensura modestæ
Est modus: at morū iam modus absq; modo est.
Peruersusq; modi modò nomine desipit usus;
Quidquid stultitiæ luditur, hoc modus est.
Luxuriant mensæ ? modus est. Potatur & estur
Ære graui ? modus est: & modus est in equis,
In rhedisq; modus, modus in choreisq; iocisq;
Fingitur; estq; modi quæ via nomen habet.
Vestibus & quotuplex modus est? noua cuditur omni
Forma die: hic modus est; materiemq; modus,
Materiesq; modum noua fabricat. Ille puellas,
Ille rotat iuuenes more volante modus.
Crinibus ecce modus nouus est & corpore toto,
Pileolisq; nouus palliolisq; modus.
Vertigo capiti sæpè est lunatica; sed iam
Lunatos etiam cernimus ire pedes.

Calceus

Calceus inflexæ prætentat cornua frontis,
 Sesquipedæ excedens longior ipse pedem.
 An fors patriciâ claudens vestigia lunâ,
 Vt quondam, illustres iam modus iste probat?
 Omnia cùm toties noua sint, modus omnia versat;
 Et quoties ventus, vertitur ipse modus.
 Vnde intemperies tam publica, totque nouarum
 Tot rerum facies? mosque modusque iubent.
 Quis modus hic vitæ est sic insanire, modumque
 Ad patrocinij flestere iura sui?
 Parcite ohe! figuli tot morum totque modorum:
 Vnus honestati mosque modusque sat est.

Statius
l. 5. Syllo





A P P R O B A T I O.


VIRTVTES Cardinales Ethico Emblemate expres-
sa utiliter typis exprimentur.


P. Coens S. Th. L. Canonicus,
& Lib. Censor Antuerp.



















H.W.

RH

driv

